

2150.



Early European Books, Copyright © 2010 ProQuest LLC.
Images reproduced by courtesy of the Royal Library, Copenhagen.
Hielmst. 2150 4° (LN 1631)



Early European Books, Copyright © 2010 ProQuest LLC.
Images reproduced by courtesy of the Royal Library, Copenhagen.
Hielmst. 2150 4° (LN 1631)



Early European Books, Copyright © 2010 ProQuest LLC.
Images reproduced by courtesy of the Royal Library, Copenhagen.
Hielmst. 2150 4° (LN 1631)



Early European Books, Copyright © 2010 ProQuest LLC.
Images reproduced by courtesy of the Royal Library, Copenhagen.
Hielmst. 2150 4° (LN 1631)



Early European Books, Copyright © 2010 ProQuest LLC.
Images reproduced by courtesy of the Royal Library, Copenhagen.
Hielmst. 2150 4° (LN 1631)



Early European Books, Copyright © 2010 ProQuest LLC.
Images reproduced by courtesy of the Royal Library, Copenhagen.
Hielmst. 2150 4° (LN 1631)

12 Apr 1631

750

Nº 2150.



- L. N. 1631

H

E
QVA CA
CON RECH
D. CHR

Z

CYLtor
HVL

HA

F O L I A

E C L O G A

QVA CANITVR GENETHLIA.
CON RECENS NATO ILLVSTRI PRINCIPI,
D. CHRISTIANO, Potentissimi Danorum Regis,
FRIDERICI secundi &c. Filio
Primogenito.

Cui brevis etiam Historia connubij
& coronationis Regiae obiter,
inserta est:

Autore

ZACHARIA à VVIDING
Holsato.

CHRONODISTICHON

Natalitium. 1577.

CVLtor Is Vt ChrIstI tIbI reX VItVtIs aVI sIC
FVLtor erIt, CVIVs noMen Vt hVIVs habet.



HAFNIÆ, IMPRESSIT
Laurentius Benedictj.

A N N O

1577.

Laurentius Gausig
1639



IN ICONA FRIDERICI II,

Danorum Regis Potentiſſ:

Zacharia Widingj

I A M B I C K M.

HÆc sunt FRIDRICI Regis ora DANIA,
 Qui nominis Rex illius SECUNDUS est:
 ECHRISTIANO Rege natus inclyto
 Huius fuit Rex nominis qui Tertius:
 Qui plenus ò tui Deus Spiraminis
 Natum tuum dilexit, & Verbum tuum, &
 Verbi ministros vnicè, Musis erat
 Patronus, & defensor, altor, arbiter:
 Et Patriæ charæ Pater charissimus,
 Florens corôna cœterorum Principum:
 Qui nunc Dei Patris, Deiq; Filij,
 Deiq; Spiritus videns præsentiam,
 Versatur inter Angelos latissimus:
 Hunc Filium FRIDrichium Regem pium
 Loco sui, suum ter illustrissimum
 Regnis relinquendo suis, per omnia
 Patris boni, regi pio, virtutibus,
 Vultuq; moribus pijs simillimum:
 Qui patris instar: numine excitus: sui
 Vt filius iusti patris pijsimus,
 Successor & Regis pñ iustissimus
 Natum DEI colens pie Euangelicæ
 Doctrinæ adhæret integræ integerrimus:
 Et gratiæ sigilla sacratissima
 Vult pura nec polluta tradi singulis
 Suisq; Regnis, & suis ducatibus
 Qui Musici protector agminis,
 Et osor est iniuriæ, solatium
 Orbis maritis, patribusq; regia
 In supplices clementiaq; in noxios
 (Atrocioris criminis ni sint rei)
 Seuera iura mititate temperat.
 Hinc exteris, & incolis ab omnibus
 Amatur vt patriæ Pater dulcissimus,
 Decusq; Regni, lux piorum Principum:
 Cui salutem det DEVS salutifer
 Vt Rege Regnum, Rexq; Regno floreat
 Vtrinq; vtroq; perpetim superstite.

A 2

15: Damaris waabs: 11: Eftu fimm blaaf liffen liffen: 15: Damaris waabs
 Damaris Bolk or melfarfund: 11: Det ene de liffen fenne. (Dus coronat liffen
 fild. (Dus robbiffen 9 regali diademate pellen, fiantip 21: 15: Damaris waabs
 auctijs a comitibus.)

II. CONA FRIDERIC II.



1. Signu Regali
 1. Signu Regali
 1. Signu Regali

9. Eftu fimm blaaf liffen liffen: 15: Damaris waabs
 9. Eftu fimm blaaf liffen liffen: 15: Damaris waabs
 9. Eftu fimm blaaf liffen liffen: 15: Damaris waabs

7. Eftu fimm blaaf liffen liffen: 15: Damaris waabs
 7. Eftu fimm blaaf liffen liffen: 15: Damaris waabs
 7. Eftu fimm blaaf liffen liffen: 15: Damaris waabs

10: 3 landfke waabs
 10: 3 landfke waabs
 10: 3 landfke waabs

11: Gulland waabs
 11: Gulland waabs
 11: Gulland waabs

14: Eftu fimm blaaf liffen liffen: 15: Damaris waabs
 14: Eftu fimm blaaf liffen liffen: 15: Damaris waabs
 14: Eftu fimm blaaf liffen liffen: 15: Damaris waabs

15: Damaris waabs
 15: Damaris waabs
 15: Damaris waabs

A: Dania. B: Noruegia. C: Suedia.
 D: Vandalia. E: Gotia. F: Slesvig.
 G: Holsten. H: Stormaria. I: Dithmaria.
 K: Oldenburgum. L: Delmenforst.



13: Eftu fimm blaaf liffen liffen: 15: Damaris waabs
 13: Eftu fimm blaaf liffen liffen: 15: Damaris waabs
 13: Eftu fimm blaaf liffen liffen: 15: Damaris waabs

15: Damaris waabs
 15: Damaris waabs
 15: Damaris waabs

IN EIVSDEM ILLUSTRIS.

simi Regis, Regalia schemata.

HÆc sunt FRIDRICI DANORUM Insignia REGIS
Qualibet ornatur Stemmata terra suo.
A **Dania** Dania cœruleos ternos sibi aquosa LEones
B **Noruegia** Vendicat aurato, in corda nouena, solo:
Noruegia Sicq. bipenniferum NORuegia lata LEonem
C **Suecia** Est Clypei roseo pingere sueta solo:
Suecia Aurea cœruleo sed enim Diademata scuto
D **Vandalia** Triquetra SVediaci splendida signa soli.
Vandalia Corda nouem LEO transilicns animosus amana,
E **Gothia** VANDALICA terra signa vetusta refert:
Gothia Corporis alati Philyræ de voce DRAconem
F **Slesuig** Sanguineo in Clypeo vult habitare GOTHUS.
Slesuig Cœruleos geminos Clypeo flauente LEones, Ego quolo effare: et sua feld
G **Holsatia** Inclyta SLESuici signa DVcatus habet.
Holsatia Hinc vrens niueo depicta VRTica colore, et sine nullo vbi rph feld.
H **Stormarica** Purpureoq. refert HOLStica signa solo.
Stormarica Candide fulgenti Diademate CYGne triumphans, et sine suaduz it gyl
I **Dithmaria** STORMarica gentis signa venusta notas. Salsbæum vbi rph feld.
Dithmaria Palmaq. victoris victa Cataphractus habetur et sine festuz et rph
K **Oldenburgia** Ensifer et terræ DITHmariensis EQues. vbi rph feld.
Oldenburgia Candida CRUX olim docet OLDenburgia verum et sine haars.
L **Delmenhorst** In Cruce suspensum te coluisse DEum.
Delmenhorst Alternoq. TRAbum pictarum Insigne colore, rph bieleken vbi gyl feld.
Stemma refers Comitris DELmenishorste tuj.
Glaigendorpig in latina orane et]



IN EFFIGIEM SERENISSIMÆ
Danorum Regina, SOPHIÆ Secundæ.

S·APPHICON
Zacharia VVidingj.

Illa DANorum SOPhiæ SECundæ
Forma REGinæ : Patre Meglapyrgo
Orta VDalrico, Holsteniaq; matre
ELIsabetha.
Quæ pio Regi socia est Secundo
luncta DANorum FRIderico, ab ipso
Autor est vitæ socialis, & qui
Fæderis auspex.
Quæ suo binas Domino decoras
Numinis, Nymphas peperit, fauore,
Quas DEI dextræ sine fine saluas
Protegat vmbra.
Daniæ sic nunc generosa scitum
Regulum electum peperit, futurum
Regij hæredem diadematis, post
Fata Parentis.
Quid loquar mores SOPhiæ pudicos
Pectoris vera pietate natos :
Est Charis, mitis, proba, gratiosa,
Casta, pudica.
Virginis Natum MARIæ colendo,
Eius in puro sacra iussa corde
Condit, huic vni placuisse tota
Mente laborat.
Sic suum Regem Dominum colitq;
DANici Regni sacra fors salutis:
Orphanis, mœstis, Viduis, egenis,
Mater & alatrix.
Da DEVS longum SOPhia ista Regno
DANico, Regi pariter marito
Viuat : vt cunctis ea sit saluti,
Christo & honori.

IO LAS
E G L O G A

QVACANITVR GENETHLIACON RECENS

nato Illustri Principi D. CHRISTIANO, potentissimi

Danorum Regis FRIDERICI SECVNDI,

Filiolo primogenito:

Cui brevis etiam Historia Connubij, & corona-
tionis Regiæ obiter inserta est.

Z. VV.

H.

Syluius & Daphnis, duo conuenere periti
Pastores, parili calamo cantare sueti:
E quibus exiguo, grato sed pectore, versu
Laudes, res gestas, Mauortia Syluius acta
Heroum, tenui modulatus carmine canna:
Alter at à patria profugus, sine munere Daphnis
Tristis, inops, exors, tenuis, miser, exul, anhelus,
Corporibus ducens malicentis tenuia multum
Armenta, in Campis errando murmure solus
Ob generosorum certamina lenta leonum
Exilij tristem deflebat carmine sortem:
Conueniunt tandem: grauibz sine carmina curis
Montis in arborei recinentem vertice leta
Repperit à syluis & habentem nomina saxis:
Incipit: ab patulæ tilia sub tegmine sylui,
Hic recubans lætum modularis arundine carmen?
Cum patriam profugi fortunæ motibus acti

D.

Suedi-

Suediaci tanto spaciōsi tempore belli
Liquimus (ah miseri) peregrinis pascua pratis
Quærentes gregibus, sine lege, sine ordine, nostris.

S. Daphni file, gemitus, ut inanes, linque: remitte
Singultus imo cordis tibi fonte profectos:
Propediem dabitur patrios impune penates
Atq; lares tandem tuto repetisse relictos.
Martia Bellonæ siquidem trucidis arma faceſſunt,
Atq; Salus pariter niueis comes aduolat alis
Cincta caput ramis viridis Pax inclyta Oliuæ:
Omnia nam placidum modo habent certamina finem.

D. Læta refers. Vtinam quoq; sint ea singula Sylui
Vera, mihi quæ tu misero modo dicere es orsus.

S. Daphni fide firma sunt hæc dignissima, narro
Quæ tibi, quæ constant mihi perspectissima facta.
Pax etenim pacto sancita est fœdere pridem,
Inter et hæc septem spectant quæ regna triones,
Atq; duos eadem Reges qui regna gubernant.
Vnde inijt thalami non dissoluenda pudici
Fœdera, regali prognata stemmate Nympha
Inclytus ascita sibi nunc formosus IOLas.

D. Vnde tibi rerum tam copia læta nouarum?
Ipse ego cum tristi lachrimosam pectore terram
Linquebam patriam, resonabant omnia planctu:
Tristia funestis feruebant vndiq; signis
Bella: nisi & bellum fuerat nihil omnium in ore:

Bello

Bello accingebant tunc se iuuenesq; viriq;
 Tuncq; vicem patriæ, nuptæ innuptæq; gemebant,
 Præscia tunc coniunx sortem miserata mariti,
 Seq; viro, & caro patre ceu caritura tenella
 Pignora deflebant: heu tristia & inuida fata.

Crede mihi, recito nisi non comperta, fideq;
 Digna, vel his oculis vidi, quæq; auribus hausi
 Nuper, vbi patriam, visi tibi Daphni relictam
 (Namq; tuam terram me perlustrare paternam
 Iuuit, vt in Danis Pastorum carmina caulis
 Auribus ac auido cognoscere pectore possem)
 Omnia tunc populi geminato compita plausu
 Vndiq; pastorum medijs in montibus hymni
 Attentis pecorum concentus auribus apta
 Harmonia, tunc sic resonabant, omnia tuta,
 Omnia tuta, modo Deus & Pax inclyta fecit
 Bella silent: Hymen & bene olentibus obsitus herbis
 Intrat in excelsis vbi iam regalis lolæ
 Culminibus, paci placida Sapientia cæsti
 Iuncta nitet nodis ullo resolubilis ausu.

Ominibus Regi quam se dant obuia letis
 Omnia, sunt Regi precor hæc Regnoq; saluti.

Ominibus moneor tantis, tam Daphni beatis
 Plurima de Regis bona vaticinariæ orto
 Filiolo: siquidem tam læta inceptio, tamq;
 Augurijs nupsit Paci Sapientia faustis:

B

Omnia

S.

D.

S.

Omina vel solis mihi plurima spondeo læta
Nominibus, Pacem cum sic Sapientia fulcit.

D. Eia tibi nostro placeat vel nomine Sylui
Historiæ nobis Hymenæi dulcis IOLæ,
Carminè rem modico gestam contexere totam:
Singula cum constent tibi non incognita facta.

S. Hoc mecum lato poteris considerare saxo:
Dum modò depastas recubans grex ruminat herbas;
Et tibi, sed breuiter, narrabo cognita nobis
Fœdere de nostri venerando Regis IOLæ:
Cinctaq; sit quali pompa Galathea corona:
Quaq; recens natus Regis, sit in arce renatus.

D. Assideo, gregibus stratis in gramine, letus
Auribus arrectis & auens rem discere gestam.

S. Edidit ut domitæ signum Tithomarsie in aruis
Nobile virtutis plus quam regalès, Achilli
Haud dispar, minor aut induto illius IOLas
Exuias, spolijs etiam ditatus opimis,
Antea quàm voluit diademate tempora cingi:
Sic & Hyperboreis animosi pectoris Heros
Hectoris exeruit vires generosior oris
Antea connubij socialia vincula sacri
Quàm subijt: domito senioreq; Rege Svedo:
Altero amicitiam, tandem cum Rege petente
Pace data pacis sub conditionibus æquis.

D. Ominibus Regi quam se victoria lætis

Offert,

1150
69
Offert, sint Regi precor hæc Regnoq; salutj.
Quam varia Dominus sanctos ratione gubernat,
Quamq; suos vicibus ludens excercet in orbe
Alternis: quam sunt solido non tempore firmæ
Res hominum, lubricæ, stabili neq; fidere fixæ.
Quin modo sunt lætæ, paulo post rursus amaræ:
Et modo quæ tristes, vice versa, sunt modo lætæ:
Temperat alternis Dominus sic omnia rebus
Tristia cum lætis, cum miscet dulcia amaris,
Rebus in aduersis miseri ne succumbamus,
Rursus & in rebus ne pectora laxa secundis
Inflemus, memores Domini tristesq; hilaresq;.
Verum age Bellona domita, dic gesta Diones
In primis Regis memorans & nomina Nymphæ.

Omen inest rebus, vel in ipsis omina fausta
Nominibus: Pacis sunt diuitis omnia Regis
Nomina, Reginae sapientia nomen obumbrat.

Ominibus Regi & Reginae prospera lætis
Nomina, sint Regi precor hæc Nymphæq; saluti.

Est Obotritorum regio de nomine prisco
Inclyta Baltiaci prope sed vada cærule ponti
Littora Daniacis habet hæc confinia Regnis,
Cui modo ceu cæli præsumt quoq; sidera fratres
Torua trucis gestant quorum Bouis ora, paterna
Stemmata: de summo venit ast Sapiencia natu,
Gratia cui nomen diues dat: diuite cornu

B 2

Ipsa,

S.

D.

S.

*Ipsa, Deæ, genitrix satiataq; copia, dulce
Nomen habet fausto quæ sidere nupsit Iolæ.*

*D. Ominibus Regi quam se dant obuia letis
Omnia, sint Regi precor hæc Regnoq; saluti.
Porro velis Sylui tandem depingere pompam,
Atq; modo quali & quo dicere pacta iugalis
Fædera F R I Drici et S O Phia sint tempore tedæ.*

*S. Deuia retrogradi tæsus vestigia Cancri
Cynthius igniti lassabat terga Leonis:*

*18. April. 1572
A. Nona bis at mensis fuit vt lux orta peremti
Cæsaris, est à quo Quintilis nomen adeptus,
Cum modo maturis flauerent frugibus arua.*

*D. Ominibus Regi quam se dant arua beatis
Pinguia, sint Regi precor hæc Regnoq; saluti.*

*S. Excipitur COCHia Danorum Regis in vrbe
SAXOnicus retinens AVGusti Cæsaris omen
Nominis, vt rebus belloq; togaq; peractis
AVGusto haud dispar, comitatus coninge princeps
ANNA, germana Regis, comitante Nepote
Regis CHRIStiadis qui nomine magnus auito,
Rebus erit maior, pietateq; maximus Heros.
Excipitur simulac Charitum de nomine dictus,
Qui socer & pater est nostri reuerendus Iolæ,
Coninge cum generi Satiata dotis Iolæ
Munere, cum reliquis, numero sine, pompa, Dynastis.*

D. Ominibus Regi quam se dant obuia letis

Singula

1150
Singula, sint Regi precor hæc Regnoq; saluti. 70

Haud tamen hoc ipso. Regis reor agmine Nympha
Adfuit, ut pridem deducta in Regis lolæ
Arce Copenhagia quæ nostri regia Regis.

Daphni audes quid si fuit hic deponere mecum: S.
Et nisi tunc COCHia dulci cum matre profecta
Nympha Copenhagiam petijt sociata decora?

Hunc ansus niuei tecum sum velleris agnum D.
Anniculum, morbo & macula deponere cassum.

Audeo lasciuum hunc contra depromere matris S.
Vberibus raptum, licet atri velleris hædum:

Perge sed (hanc litem dirimet post ipse palemon) D.
Pingere, cepisti veluti, mihi cætera Sylui.

Pompa Copenhagiam Cochia qua luce profecta S.

Carpfit iter gradiens lento pede regia, forte

Ipse, sed innumeris alijs comitatus ab vrbe,

Ante, foris, portam calidis spaciabar arenis

Observans reditum Regis Procerumq; capitum:

Ecce via Cochia recta quæ ducit ad urbem

Turma equitum primo intuitu de monte videnda

Apparet. fit mox hominum concursus ubiq;

Rex venit, erecta quisquis modo fronte profatur,

Accelerant longo pedetentim deniq; tractu

Quolibet in membro venientes undiq; terni

Ensiferi primo famuli nempe agmine, visi

Gestantes geminas in ephippia chiriboardas:

B 3

Postea

Postea nobilibus locus est, hinc deniq; Regis
Atq; Ducum Proceres, Regni subit atq; Senatus:
Vicena octo equitum sic membra ducenta fuere.

Pone fuit dictis Ducibus sociatus Iolas,
AVGusto imperij dextram Electore tegente,
Et socero Regis medij claudente sinistram.

Hinc adolescentes ter terni ceu Ganymedes
Gestabant nitida galeati fronte phalanges:

D. Ominibus Regi quam se dant obuia lætis
Omnia, sint Regi precor hæc Regnoq; secunda.

S. Vt prope sed portam procerum fuit agmen ad vr.
Ecce Boardarum tonitru cum fulgure multo. (bis

E vallo quarum fuerant vicenaq; quina
Tormenta, excipitur regali more, boatu
Horrisono, terra pedibus sub Daphni tremente.

Hic sed ego quali referam quantoue sonoro
Cum fremitu veluti glans rugijt acta per auras?

Iacta caput paulò supra cum murmure nostrum;

Penè sono simili silicem cum Daphni retorta

Funda volans sursum sublimia in æthera mittit:

Quamq; fuit densus nitrati pulueris aër

E fumo, & sparsit crebra quem glande petita

Terra, globus subiit quoq; vbi fretum Amaggerianũ,

Quanta fui sursum tunc fusa & in æthera aquæ vis:

Fumus at à vento veluti fuit actus ab ipso

Rege, quidem Euronotus quem tunc spirabat amænus,

Omne

Omne felici, velut à quo cuncta nociva
Diffugiunt, cedunt ab eo sic cuncta pericla.

Læta refers Sylui simulac horrenda, sed ipsa D.
Ominibus quam se Regi dant omnia faustis
Prospera, sint Regi precor hæc Regnoq. salutis:
Quid tibi tunc animi fuit in discrimine tanto?

Ipse tremens quamuis & delectabar acerbo S.
Hoc tormentorum tonitru, flammæq. micantè,
Attamen astabam Regi (Rex numine tutus)
Sic fore me Regis securum proximitate
Rebar, ut assistens Ducibus quos numina servant.
Siue (quod auertit, cui laus, DEV Somne) periclit
Extisset Regi, cum Rege occumbere pulchrum
Esse ratus, metui vitæ mihi nulla pericla.

Ominibus Regi quam se dant tuta secundis D.
Omnia sint Regi & precor hæc felicia Regno.

Porro mola æriæ volucris ter quinq. susurro S.
Expansis velis, Cereris quoq. munere plenæ,
Cum nitidi toto comitatus agmine Regem
Præcipiti excipiunt reducem resonante rotatu.
Quodue magis mirum; solitum tunc splenduit ultra
Phæbus, at illius cito sub fulgore, subortus
Largus erat, tamen haud multum durabilis, imber.

Ominibus Regi quam se dant prospera lætis
Sintgula, sint Regi precor hæc Regnoq. salutis: D.
Omen adest Cereris, Phebi, & Iunonis amicum:

Sit

Sit faustum, felix: hæ res vberima Regi
Tempora promittunt: Nam Solis, & aëris apta
Temperie fructus tellus producit opimos:
Cum serimus Cælum nam si Deus addit amœnum,
Cumq; latet semen, pluuiæ rigat inde serena,
Alma Ceres domini cellamq; penumq; replebit:

S. Omnibus explosis grauioribus his bombardis
Quas retuli portæ vallum sublime habuisse,
Intrauit tandem generoso corpore Iolas
Splendidus in niueo residens spumante caballo,
Atq; Duces inter medius qui SAXona sceptræ,
Et MEGLapyrgiacas qui dux molitur habenas.
Pone duces & sunt comitata Gynecia Regem,
Hæc ubi & intrarunt vrbis modo mœnia dictæ,
Ecce repentinus strepitus crepitante per vrbis
Fulgure dein gyrum, volitante vt ab igne boardis
Editur explosis crebis cum murmure bombis.
Nauibus exonerant valido hinc tormenta boatu:
Iuncta Tubæ dubios geminant cita tympana tactus:
Transit & in triujs iterataq; trita tubarum
Harmonia, inflatis non assimilanda cicutis
Nos quibus æstatis soles traducere Daphni
Sueuimus, his gregibus cura vigilante dicati:
Compita densatus populus promiscuus arcetè
Occupat, vt Regem possit quoq; cernere Nympham:
Nec vidisse semel, satis est, queat vsq; videre

Qui

Quilibet annixu, cursu, & conamine, sudat: 72
 Excipitur Rex, & comitatus regius inde
 Arce Copenhagia, quam fluctibus undiq; cinctam
 Baltica cœruleis Thetis complectitur vlnis.

Ominibus Regi quam se dant obuia letis D.
 Gaudia, sint Regi precor hæc Regnoq; saluti.

Postera lux mitem misit præclara IOH Annem S.
 Pacifica HOLstenias trutina qui flectit habenas.
 Inde pij Regis, pius est germanus & urbem
 Ingressus IVNIor, comitante vxore, IOHANnes.
 Tertia lux, hæc est Iulij vicena coruscans:
 (Qua fera DITHmaria quoq; luce subacta potestas
 Ante decem & lapsos octo totaliter annos:

Annus at hoc versu quo pugna nouissima facta est:

Libertas terræ fVlt effera Dith Marlane:

Est & in his idem verbis breuioribus annus,

Effera Libertas Dith Marlane fVlt.)

Tertia lux post hæc Regi feliciter (inquam)

Illuxit nitidis oriens formosior alis:

Grande fuit recolit quod CHRisti ECClesia festum,

Seclantes triduum quo cœlica fercula, verbo,

Et duo, septeno, bis millia, pane cibauit:

Post cophinos septem, totidem de panibus, atq;

Pisciculis paucis, pasti (mirabile) replent.

Ominibus Regi quam se dant omnia letis D.

Hæc quoq; sint Regi precor & felicia Regna.

C

Vt sa

Anno 1572

Pe/116

20 July

S. *Vt sacra sed fuerant verbi diuina peracta
Atrio ab excelsa descendunt ordine Regis,
Nobilium pariter tandem mixti vndiq; terni
DANIACI, HOLSTENIJ, MEGlapurgiaci, quoq; MYSI
Præcedunt Regem sponsum, quem ducere visus
Vt medium SAXO dexter, læuusq; IOHANNES
Regius vt Frater: Legati hinc atq; Barones
Atria conscendunt, hac, Regis in altera, pompa:
Inde fere simili præcedunt ordine Nymphæ
Innumerae, Varijs gemmis, auroq; nitentes
Reginam, modico comitantem has interuallo:*

D. *Omine iucundo quam se dant obuia Nymphæ
Singula, sint precor hæc Regi Regnoq; secunda:
Qualis erat reliquas inter Galathæa puellas?*

S. *Id numero dicam: mihi non homo sed Dea visa:
Hancq; Duces parili ducebant nomine bini,
Dexter erat Regis Socer, huic Princepsq; sinister
Pacifer, attribuit cui Gratia nomen vtriq;
Postea Matronæ generosas arce Ducissas
Vltima postremæ clauferunt membra sequentes:
Pompa quaterdeno conclusa satellite vtrinq; est,
Corporis hi Regis custodie vbiq; putati
Vulgus iners validis simul arce bipennibus arcent,
Ianthinus alterna vice & illis albus amictus
Distinctim decorant artus, proceraq; membra;
Sed color est Aulæ byssinus coccineusq;*

Reginæ

Regina: Interea CHRISTUM qui pectore & ore
 Fert, Evangelicæ doctrinæ præco disertus,
 CHRISTOPHORUS CHRISTI vere de nomine CNOFFUS
 Veste Damascena decoratus Rege ferente,
 Copulat hîc fausto velut omine Pallada Pacj,
 Vota facit pariter sexus utriusq; corona
 Mente pia, Regi Regina fausta precando:
 Talibus auspicijs Galathææ iunctus Iolas
 Descendit, lætis peragens conuiuia mensis.

Ominibus Regi quàm se dant obuia faustis
 Omnia sint Regi precor hæc Regnoq; saluti.

D.

Quarta dies (lux hæc Iulij vicenæq; prima)
 Protulit vxori Regis diadema recenti:

S.

Acta modo mihi quo rogo ne narrare graueris
 Pompa sit, at breuiter, tibi ne mora longa molesta.

D.

Ducitur in templi penetralia Regia Coniunx

S.

(Tecta Damasceno roseo tunc atria templi
 Splendebant) sexus proceres utriusq; decori

Circumstant: sedit Regis decoranda Corona
 Nympha chori medio, deaurato sola sedili:

Organicen resono feriens mox pegmate clauas
 Grata volubilibus digitis modulamina fundit:

Hinc monet officij regalis Episcopus ipsam:

Inde fuit structo Regina Argentea claustro

Abdita: profusis post ducitur Aurea tota

Crinibus, vt sponso socianda puella marito:

C 2

Occu

Occupat auratam, velut ante, decora cathedram:
Musica mox iuuenum superans pius instrumenta
Omnia dulcisonis, concentus; vocibus aures
Occupat attentas, præmolli carmine mulcens.
Illa dehinc surgens templi prope constitit aram,
Rursus & officium regalis muneris audit:
Esse Deo gratus populusq; iubetur ob isthanc
Reginam, Dominam Danorum, vota precesq;
Pro cuius, velutj pro Regis, ubiq; salute
Daniacj Regnj fundat cum plebe SENatus:
Scabello aurato hinc genua in subsidere iussæ,
Totius vnanimis Regni sub nomine Danj,
Gemmatis Proceres redimiti tempora fertis
Reginæ rutilam gemmis, auroq; coronam
Imponunt capiti, CHristi mediante ministro:
Applaudunt omnes, plausum testante sonoræ
Voce tubæ, templi resonantibus vndiq; tignis:
D. Ominibus Nymphæ quàm se dat Gloria latis
Obuia, sit Regi precor hæc Nymphæq; salutj.
S. Excipitur posthæc aurato regia cælo
Nympha, petit sub quo solido de Daphni metallo
Argenti, nitidam deaurato margine rhædam,
Quadrijuges niuei quam tunc traxere caballi,
Bucephali, et Gryphes, quam Nymphæ, & Regia pi
Schemata condecorant varij fortesq; Leones. (cæta
In primis placuit signum mihi tale venustum
Talibus

2150
Talibus insculptum pilento Daphni figuris:
Mite coronato tenet S. E. flexile nexu:
Diua dat amplexus ubi nam Sapientia Pacj,
Sunt parily Pax et Sapientia amore Secundæ, et
Aurea nos tuto gestant Epiredia ductu.



Ominibus Nymphæ quam se Fortuna beatis
Obtulit, hæc Regem & Nympham comitetur ubiq̃.

Taliter è templo Regina ornata corona
Redditur Hafniaca Regi vxor in arce moranti:
Fercula certatim fuerant hinc vndiq̃ mensis
Imposita, auratis implentur vina phalernis.
Inde sed amotis epulis, precibusq̃ peractis,
Plaudere plausibiles iterant caua tympana pulsus,
Stridula festiuos geminandoq̃ fistula flatus,
Et tuba grandisonos clanculus repetita crepando
Dant citæ amabilibus Nymphis optata choreæ
Signa, venit saliens agili sociatus amicæ
Plurimus hinc iuuenis pendet cui pectore torquis,
Regi & Regina gratantes gestibus aptis
Lætantur patriæ duo talia lumina terræ,
(REgem & REGinam) regnis his cælitus orta,
Autori grates reddentes pectore CHRISTO:
In quorum thalamis BENedictio facta virenti
Germine, multiplici loue missa propagine diues
Diua, velut vitis floret pendentibus vuis,
Inde DEj dono, Nymphæ, pia pignora, binæ:

C 3

Omine

74
D.

S.

*Omine felici nunc in patris atria florent:
Nuper adhæc, retuli veluti tibi Daphni, beato
Sidere, de Christi, vel Auj de nomine, dictus
Regulus incolumi (superis laus) Principe matre
Pacifer ingenti Regis Regniq̃ futura
Leticia plausu scitissimus ortus Iolæ.*

*D. Ominibus Regi quam se dant pignora lætis
Inchyta, sint Regi precor hæc Regnoq̃ saluti.
Vnde sed hæc tenero nosti ventura puello
Tantaq̃ deserti patrij solatia ruris?*

*S. Est tener augustis nam Daphni parentb³ ortus
Regulus à CHristi vel auito nomine fausto
Omine, Baptismi sub mystica munera dictus:
Natus enim Pacis patre, natus qui quoq̃ matre
Principe cui sanctum tribuit Sapiencia nomen
CHristianus: Christi, Pacis, Sapiencia, alumnus
Sic erit, extiterant thalami ceu prospera cuncta
Signa, velut multis memini me dicere verbis,
Fausta patri, matri, soboli, regnoq̃ futura,
Huic sed præcipuè de quo modo Daphni locuti,
Regno qui quondam (pia sed post fata parentis)
Talis erit Dano, pater est modo gloria qualis.
Hunc etenim natum Charitum tria numina lotum
In patris augusti, vel aui vestigia sancti
Impositum, gratum populo, Ducibusq̃, Deoq̃
Tempore venturo Regali sede locabunt;*

Singula

1150
Singula læticiam captabunt vnde regenda
Illius auspicio Borealia regna beato:
Nam velut extinctum lugebant omnia Regem
Huius auum, nato sic hoc nunc cuncta Nepote
In primis pater, & genitrix, porceresq;, patresq;
Decrepitiq;, senesq;, viri, iuuenesq;, puelli
Gaudebunt velut à luctu solatia nacti.

Gloria, laus, & honor, trino Dominoq; sit vno D.
Qui facit alternis vicibus post tristia letum
Nubila sub cælo nobis lucescere Phæbum.

Vidim⁹ (ô lachrimans recito tibi Daphni) peremti S.
Morte pia, potius somno quasi consopiti
Elatum Regis COLdinga funus ab arce
Semianimes laceris Diuas gestasse capillis
Vrbis ad Otthonis de nomine mœnia primi
Cæsaris, vt SAXj dicti cognomine Magni:

Quam memoras urbem non est à Cæsare Sylui D.
Dicta, nec à Magno, neq; primo ab Othone vocata,
Ethnici at Otthonis Regis de nomine Danj,
Qui decimus regni Rex est & in ordine nonus.
Mercurij lux est Danis Otthonia cuius
Nomine, ceu vrbi de se dat nomina, quod sit
Fluminis hîc ripæ sub aprico colle sepultus,
Dicitur hinc Danis vrbs hæc quasi collis Othonis.

Daphni parum refert seu Cæsare, siue vocata S.
Rege sit, hæc præstans vrbs est dignissima laude.

Perpe

Perpetua, vel ob hoc æterno nomine digna
 Tanti in ea quòd sint tumulati funere reges
 Daniaci: veluti cuius tibi mentio facta:
 Ethnicus hic fuerit licet Ottho: deinde Canutus
 Cui tribuunt Sancti, Pietatis nomine, nomen:
 Tertius Ericus mansueto mitior agno,
 Forsitan & plures alij: præstantior hisce
 Omnibus at sanctus (cepi pertexere cuius
 Exequias) rex est Christi qui nomine Ternus:
 Vidimus elatum fuit vt lachrimabile funus
 (Inquo) vel multis forsàn vidisse negatum,
 Christiadis pariter Virtutes ferre pheretrum
 (Ceu patris exuias gestant simulacra, Sleana
 In ripa, lachrimis Virtutum tempora obortis).
 Ante suas ibat Pietas lachrimosa sorores:
 Quam fuerant veluti comitata pedissequa turba
 Pax, Probitas, Bonitas, Grauitas, Sapientia, Vir-
 Iustitia exilio reuocata, Modestia mæsta, (tus,
 Atq; fides constans, durum & Patientia frangens,
 Quæq; modum seruat prius vt metitur & ausa:
 Tristeq; pars harum pheretrum subiere dolentes,
 Pars capulum informes pars vtraq; rupta capillos,
 Tristia luctificis tundendo pectora palmis
 Lugebant, flebant, plorabant, collachimabant:
 Quin Heliconiadū tria ter, Charitum et tria diuūm
 Numina, deflexis luctu cernicibus ægro,

In ter.

In terram & fixis oculis atq; oribus vdis,
 Musagetis mæsto plangebant pectore fatum.
 Has sed vt est proles flentes flens regia diuas
 Intuita, in luctu positas solatur Iolas:
 Pacificè lachrimas mandans suspendere cuius
 Promittit solita fruituras sede locoq;
 Et fore Virtutes in honore vt & ante fuere,
 Seq; vicem patriam Musis præstare perennem
 Dante Deo, dignam pio amore & honore nouenis,
 Hasq; suo in precio fuerint ceu, sicq; futuras
 Perpetuo, rerum modò se potiunte, vel ipsis
 Illius natis, & qui nascentur ab illis:
 Rege pio quod sic velut amifere dolentes,
 Repperiunt Rege hoc nostro, Regisq; Renato
 Ominibus Nato quàm se dant obuia Regis
 Omnia lætificis, nobis sint ista saluti.
 Euge, pio hoc redeunt nostro aurea secula Rege,
 Virtutes, Charites, redeunt, Heliconiadesq;
 Quæ modo mandabant terræ sua semina flentes,
 Gaudentes remetunt contra nunc corde maniplos.
 Vera refers: volo sed paulo his mage Daphni mo-
 Pastor succensus Regis pastorei amore: (rari
 Viuere ceu thuris lacrimis & odoribus æuum
 Assyrium perhibent simulac finire volucrem:
 Sic annos vixit precibus ter quinq; piorum
 Hl Schia ceu, metam vitæ quasi limitis ultra:
 D Et pi

D.

S.

Et pius ut lachrimis moriens tumulatus acerbis:
Est lachrimis quoque sic factus rediuius in isthoc
Quem ferimus merita celos ad laude Nepote:
Nam patrio ut perhibent paruum Phænica renasci
Corpore, qui vitam debet vel viuere auitam:
Sic erit hic Phænix Regum, Phæniceque natus:
Sicut enim vitam clausit pietate supremam
Rex Auus Angelica COLdingæ voce vocatus,
Sic Frederixburgo castro Pacisque Parentis
Natus, in Hafniaca vixit nepos arce renatus:
Et velut illius fuerant mæsta omnia morte
Sic huius modò sunt rursus læta omnia vita.

D. Ominibus Regis quam se felicia lætis
Omnia dant Nato, Nato sint ista saluti.

S. Est locus in celsa sacer & venerabilis arce
Hafniaca, multo distinctus Daphni sedili,
In medio fixum retinet sublime columna
Suggestum (puto quod dictum quia suggerit ipsi
Dicturo Verbi Præconi mystica sensa:
Et populo auditi verbi penetrantis ad ima
Pectoris Adflatus genuinum numine sensum)
Haud procul exedra dicta, templi nec ab ara
Fons latet æternæ dictus de munere vitæ:
Cuius aquis fusi, sancti & Spiraminis aura
Hæredes Christi efficimur verboque fideque:
Huc tenerum tandem gestantes Regis lolæ

Filio

1150
Filiolum, summo Proceres è stemmate multi
Cum precibus CHRisto, qui vult sibi talia soli
Pignora deferri, latum sed sanguine lotum
Illius effuso, quem Fontis mystica virtus
Designat, sistunt: capit hunc venerandus in vlnis
Præco DEI, recitans diuini oracula Verbi,
Atq; vocans trinum discreto nomine Numen,
Vt Patris, & Nati, & Sancti Spiraminis: vndis
Immergit totidem vicibus, pro more vetusto.
Daniaco: aut semel intingens in nomine IESu,
Est quod idem, præsens in quo diuina habitando
Maiestas plenæ Deitatis numine fulget:
Perfundens vel ter fontanæ flumina lymphæ
Aspergit nudo, ceu TEuthonis ora suevit:
Quolibet hoc patefit Deitatis mystica trino
Vnica diuinæ naturæ Essentia sensu.
Cumq; renascatur memoranda regius Infans
Lucè, DEO trino, qua sancta Ecclesia, & vni
Sacrafacit, celebrans distincto nomine Numen
Auspicio parili tingatur, & omine eodem:
Flumen at vt nudis infunditur ordine membris
Hoc sanctum donis opulenter ab æthere fusum
Flamen obumbratur penetrans præcordia parui
Infantis, mundanis arcana pectora motu:
Hinc nudus niueo quasi iam velatur amictu
Ne(veluti quondam nudatus membra decore

Dz

Erubuit

Erubuit Domini præsentis numen Adamus)
Perpetuò pudeat nudatum debita inesse
Iusticia, cuius, duce CHristo, amicitur amictu.
Vivat at vt rursus decoratus reddito honore:
Nec pereat nudo pudefactus membra pudore
Æterno: amissæ rursus redeuntis amica
Sed queat induuias indutus gratiæ IESU
Innocuus facie coram consistere CHristi:
Vnde Deus sibi sic ablutum crimine ab omni
Adserit (adseruit lotum ceu Iordanis vndis
Voce DEUS, natum Mariæ, pater: idq. sub ipso
Cardine diducti cæli testante sonora:
Et niuæ sancto specie præsente Columbæ
Flamine)adoptatum sacro modò fonte renatum.
Ipsa fides teneri latitans pectusculi in imo
Haurit promissam Flamma mediante sacrati
Flaminis amissam genuina sorde salutem.
Hinc modò perpetuum pactum stabilitur vtrinq;
Inter & ablutum genuina labe puellum,
Atq. DEUM, CHristi placatum sanguine sacro
Flumine, qui pueri signatur corpore fuso;
Testibus adiunctis sexus vtriusq;, vocatis:
Compita testantur communia gaudia passim:
Fercula ponuntur, miscentur dona Lyæj:
Gratantur Regi puerum patremq; puello:
Mittuntur puero & Matri regalia dona,
Omnia

Omnia qui cælos regit hæc accepta ferendo
Commoda, Daniaco quæ contulit ardua Regno.

Vnde rei tantæ tibi tanta scientia Sylui D.
Rustico, & è caulis pecudes modò ducere docto?

Hoc tibi an est adeo, mihi dic, mirabile Daphni? S.
Sæpe etiam est holitor valde opportuna locutus.

Euobe Daniaco Regno modò gratulor amplo D.
FRIdrici & SOPhiæ Natum, Christiꝑ, renatum:
Grator & exanguis pecudi modò pingua prata:
Viuat Io rex viuat Io rex viuat Iolas:

Viuat ab excelsis benedieta Puerpera prole:
Viuat in æternum Natusꝑ, renatus Iolæ.

DANIACI Regni nitidos, humus humida, flores
Sterne, rosas, violas, colocasia, lilia: Lætæ
Floribus omnigenis cunâs decorate Camænæ:

Spargite humû blandæ Charites redolentibus herbis:
Ferte solo Cythisum, fragrantibus atria fertis
Virtutes simulac thalamos ornate decoræ

REGulus in quibus hic teneræ vestigia plantæ
Fixerit, auctori CHristo, Regiꝑ, parenti:
Candida purpureo de CHristi ECCLESia facta

Sanguine, frondoso tu nunc caput exere ferto,
Cinge tuam frontem Roris citâ flore marini,
Sparge Thymû, caltham, libanotin, amaracon, irin,
Errantes hederas, viridi cum gramine mentam,
Crescentem & digitis Amaranthum sæpe resectum,

Et sem.

D 3

Et sem.

Et semper viridis per brumam ætatis Achantum:
 Conueniunt herbæ hæ tibi (palme vt germina) nam tu
 Quo mage deprimeris caput hoc magis exeris altè,
 Regulus arridens tibi Christi numine natus
 Secula promittit vultu Saturnia miti.
 BVCEphale arctoo modò non trux porge LEoni
 Annulum ab Indiacò viridantis germine gemmæ.
 Ob modò donatum viuacis pignus amoris
 Connubij vestri durabile fædus amici.
 Cæruleis LEO trine iubis modò iubila plausu
 Ede, tuæ GRÿphi felix sociate maritæ:
 Plaude bipennifero Regnum Boreale LEOne:
 Atq; sali roscis folijs LEO letenouenis:
 Aliger hesperij custos DRACO peruigil horti
 Poma negans, vetitum vetita nec ab arbore malum
 Decerpens, alas plausu nunc pande gemellas:
 Vosq; poli arctoi sub sidere cæteræ in orbe
 Insulæ, ab vndoso boreali marmore cinctæ,
 ORCades, & FERoës, GLACialis & insula lata:
 TERra Virens viridi de germine, florida fronde:
 Tuq; Heneta, aut mauis HETelandia voce Getharū:
 Et niuei diues pecoris GOTHolandia pulchra:
 Cæterâ DANiacæ subiectaq; Regna Coronæ
 (Continet vt cuius distantia Teuthona quinta
 Millia, quīs addas dictis quater ordine dena)
 Mitia lætisona felicia tempora voce

Ferte

Ferte DEO accepta, & modò nato plaudite Regi.
RVTA venenosi medicamen morsibus, ictus
Pestilis Ausonys quos Vipera fecit in arvis
Flore Smaragdini nunc flore, Baltica florent
Regna, tuæ folijs viridantibus aucta corollæ.
Cærulei iunctim gemini gaudete LEONES:
Plaude tibi VRTICÆ Foliū candente figura:
VRTICÆ folijs vescens cane candide CYGNE:
Ensifer exulta Cataphracte EQVES impiger armis:
Candida diuino CRUX pondera germine gestans:
Discolor alterna TRABIS & vice forma quaternæ,
Palmiferae flore nunc arboris instar vterq;
Singuli in occursum Regis properate decenter
Paciferum vobis Natum Christoq; renatum
Expansis manibus, deuoto pectore, flexo
Poplite, suscipite hunc donatum numine Regem.
Vita sit vt cuius defensa precamini ab hoste:
Tutus & Angelico semper munimine viuat.
Nunc lachrimas mitto, nunc finem impono dolori,
Nunc ego non Daphnis possum mihi displicuisse,
Commoda cum patriæ referas mihi talia Sylui
Pace data, niueæ iunctam modò Pallada Paci:
CHRISTIadem Regno patrio, hisce parentibus ortum.
O felix Puero tali pater inclyte Iola:
O felix Puer & tali patre paruule Pacis:
Ter felix mater Sapientia pondere tali:

Matre

21
Matre puer felix ter & amplius orte Minerua:
Pax pater, & Pallas mater, quid gignere possent
Christiadem nisi de Christi sibi numine natum?
Salve Infans, Genitor letare, Puerpera gaude.
Quale euangelion propter tam nuncia leta
Dic tibi mi Sylui, nostra pro sorte, rependam?
Hanc ego melliti plenam, ne sperne, saporis
Do, gratæ mentis signum, tibi lacte lagenam.

S. Lechitus hic tibi sit tuus, & lac inane bibas tu
Daphni, puerperium nostri peto Regis Iolæ
Lætus in hanc mediam bibiturus nectara noctem:
Illius hoc fretus quo me dignatur amore,
Vtpote qui nostram, quamuis sit rustica, Musam
Diligit, ut cui sunt pastoria carmina curæ,
Carminè vinaci cuius quoque viuida virtus
Digna, velut dignus rex dici Iolaus Iolas.

D. Ecce tibi fuero comes, & tam comis Iolæ
Hospes ero, quamuis hominum me nemo vocarit.

F I N I S.

2150.

trua:
ere possent
ne natum?
gaude.
ta
ndam?
aporis
agenam.
mane bibas tu
gis Iole
fara noctem:
re,
ca, Musam
cure,
virtus
Iolas.
nis Iole
no vocavit.